



D. Virginis Oetinganæ Historia

Irsing, Jakob

Monachii, 1643

C. VI. Imperatorum, Archiducum, Principum aliorum pietas, & dona.

[urn:nbn:de:hbz:466:1-64940](#)

argenteâ, floribus auróque distinguitur. Magdalena, quod mireris virgine Principe, Oetingam Monachio pedes profecta est, anno MDXII. Non multò pòst nuptui data Wolfgango Wilhelmo Palatino, Noburgico. Eius monumentum sibi in lipsanothecè, ex ebeno, pulchritudineque factæ, rosis aureis gemmulisque sparsim exornataæ, cum vesti sacerdotis, aureo sericòque filo per textâ. Hæc, è multis, ostendit Principum nostrorum erga Diuina Oetinganam religioni sufficere dunit. Nunc ad alios progrediviatur narratio.

CAPUT VI.

Imperatorum, Archiducum, Principum aliorum pietas & dona.

Archiprincipes Austriaci, uti ad amne religionis, diuinique cultus officium præcipuo quodam studio

studio feruntur; ita amorem in Oetinganam Virginem suum, cùm ad eundo, tūm muneribus, munificentiâ regiâ dignis, ornando, persæpe sanciuerunt. In quibus Ferdinandus II. Imp. cuius eximiam virtutem æternitati litteræ commendârunt, pro æquo ac debito primus numeratur. Is anno M DC XXX. Comitiis Imperii Ratisbonæ finitis, cum Eleonorâ Imperatrice, coniuge, liberisque supplex ad Oetinganam patronam inuisit. Et erant, qui vnâ venerant filii duo: Ferdinandus III. Imp. tunc Vngariæ Rex: & Leopoldus Wilhelmus, Passauiensis Episcopus: pari etiam numero filiæ: Maria Anna, & Renata Cæcilia: quarum hæc potentissimo Poloniæ Regi Wladislao; illa Maximiliano Electori Bauero matrimonio iuncta.

Effulgescentem aduentu Principum tantorum lætitiam, postero, quam venerant, die, (erat is duode-

cimus

cimus ante Cal. Decembreis) casu
infelix obscurauit. Nam sub horar
lucis ortæ primam, dum Imperato
cum suis in sacello Mariano cultu
diuino impensè vacat; incendium
de improviso coortum tumultu
moreréque locum, animos omnium
curâ ac formidine compleuit. Se
ptenæ domus, è Cæsarianis equis vi
ceni quini, homo vnuſ conflagravit.
Perfurente flammâ, omnémque ex
tinguendi conatum eludente, simi
lacrum Oetinganæ Virginis, Aug
stis, eorūmque filiis pompam or
nantibus, prolatum, eo limite, in
quem se iam effuderat, incendium
definiuit, vento quasi ad imperium
ponente. Omen præcessisse credi
tur, Burghusii obseruatum, agmen
fædarum auium, noctis medio, inf
sto cum crocitu Oetingam conu
lantium: quas orco emissas in sac
loci contumeliam, religiosissimq
Cæsaris odium communi sensu fec
batur,

batur. Praeclaris tunc donis Deiparam coluere Augusti. Ferdinandus II. Imp. Ciborium (sic Ecclesia craterem Eucharisticum appellat) aureum, capax, incoetili emblemate picturatum, quadringentis adamantibus distinctum, gazæ Marianæ intulit: Eleonora statuam Deiparæ argenteam, quadragenum pondo, saecilli de tholo, ante aram suspedit. Septenæ lampades, de nubeculis, quas aptè simulacri pedibus subiecit artifex, dependentes, saecillum, ipsamque statuam illustrant. Ferdinandus, Cæsaris filius, Crucem argenteam, sex pedes altam, scitissimè factam: ad Romani deinde Imperii fastigium euestus, discum aureum, emblemate incoetili, pyropisque per marginem in manudros eleganter errantibus exornatum, cum vrevis pariter aureis donauit. Eius germanus Leopoldus, is, qui posteà contra Ecclesiæ, & Imperi

rii

rii Romani hostes , auspiciis fratelli
Imperatoris ducens, magna virtute
laudem est consecutus; Crucem
genteam, insigni opere, quaterno
pedes altam , suæ testem voluntatis
parentum fratrisque donis addidit.
Huius patruus, Leopoldus alter, An-
chidux Austriæ, qui Oeniponti super-
rioribus Austriacæ ditionis provin-
ciis imperabat; amore studioque
Diuæ nostræ ornandæ cum fratre
Cæsare, Ferd. II. certauit. A.C. M.D.
x. Passauio (erat tunc Diœcœli
Passauensis Episcopus) pedestre
Oetingam peruenit, sacrâmque ga-
zam aureo calice, margaritis, pyro-
pis, adamantibus ornato pulcherrimè,
adauxit. Ceræ candidæ, sacrificiis
in sacello Mariano peragendis
misit quot annis, quantum satis: po-
steros eiusdem annuæ largitionis ob-
ligatione in perpetuum obstrinxit.
Voluit adeò , quo viuens adire fré-
quenter solebat, ibi memoriam

viueret

viuere inextinctam. Claudia Archidux, Leopoldi coniugis imitata religionem, sacrum frontale, quo ara prætexitur, cum casiolâ misit: donum amœnâ aurei, argenteique textûs varietate visendum. Præterea velum operiendo calici, aureo argenteoque filo vtrinque pictum.

Paris Archiepiscopus Salisburgensis, cuius in Diœcesi Oetinga est, pro amore in Deiparam, proque Pontificalis officii ratione, & accedere saepius, & monumentis ornare, quam præstantissimis contendit. Nihil suprà repetam. nouum eius, amplissimumq; beneficium est fons, quem A.C. M DC XXXVII. in campo Mariano, medio fermè inter Sacellum, & Canonicorum Collegium, spatio statuit, è marmore candido, artificio singulari perfectum. Panditur ab imo labrum, quaternis hemicyclis, angulorum totidem, extrosum spectantium, interpositu discluso.

I sis.

sis. Surgit è labri medio columna quadraria: cuius lateribus cohærent iuuenes quaterni, in syrmata Sirenum ab vmbilico desinentes. Buccis aquam proflant, labrumque superius, modicè inclinatis cœribus impositum, sustinent. Immense labro superiori de columnæ lateribus genii quatuor, piscibus indentes, aquam ore reddentibus. Supra genios insignia Paridis, & Epigrammata sunt, alternè columnæ lateribus incisa. Epigrammata causam positi Fontis exponunt. Ea hîc ponimus.

I.

PUBLICO BONO
FONTI A QVÆ SALIENTIS
MARIÆ AB S. RUPERTO BO
IORVM APOSTOLO
VETERI PATRONÆ,
INTER PATRIÆ HOSTILE
FLAMMAS NOVÆ IN SVAN
VRBEM HOSPITI, VT PORR
IN

LIBER II. 117
IN SALVTEM FLVERETH HVNC
FONTEM EXPOSUIT
PARIS ARCHIEPISCOP. SA.

LISBURGENSIS
A. D. CIC 10C XXXVII.

II.

PUBLIC. GRATIT.
FONTI GRATIARVM MARIÆ
QUOD PROVINCIAM SALIS-
BVR. INTER ARDENSI GER-
MANIÆ BVSTVM
SANAM, SALVAM
MATER GRATIÆ CONSERVA-
VIT GRATVS HVNC FONTEM
POSVIT

PARIS ARCHIEPISCOP. SA-
LISBURG.

A. D. CIC 10C XXXVII.

Porrò epistylum columnæ opacant
nubeculæ, de quibus extant cælestes
genii. Superstat, augustâ magnitu-
dine ac specie Deiparæ simulacrum,
filium lano brachio sustinentis, lilia-
tum dexterâ sceptrum præferentis,

I 2

vultu

vultu in Sacellum, ab oriente obla-
cens, verso. Marmoris operisque
preium sena aureorum millia pe-
hibentur. Magnis Oetinganae Diu-
cultoribus accenseri debet Serenissimus Princeps Philippus Wilhel-
mus, Comes Palatinus Rheni, Neoburgicus, &c. anno, quo hæc scribi-
mus, M DC XLII. Annæ Catharina
Constantiæ, Sigismundi, Poloniae
Regis filiæ matrimonio coniunctus.
Eum Magdalena mater paruulum ac
Diuam nostram adduxit, anno M DC
XXIII. vbi patronæ, & filii salutem
impensisimè commendauit, & filii
sacri loci adamandi faces, nunquam
extinguendas, subiecit. Paucis post
annis Deipara patronæ munus, si-
démque insigni in Principem bene-
ficio asseruit. Etenim cùm exerce-
tem, animi causâ, corpus, graui-
mus improuisò casus oppressisse
è proceribus quidam, quem solun-
in rei conscientiam admiserat, al-

Eo

etor ei fuit Oetinganæ Virginis in-
uocandæ, votiq; nuncupandi. Quod
vbi promptè, magnaque fiduciâ fa-
ctum, eo ferme temporis puncto le-
uatum se malo, ac prorsus incola-
mem sensit. Voti reus Oetingam
anno huius seculi trigesimo septi-
mo profectus est, eò vsque vel nego-
tiorum rationibus, vel acerbitate
temporum impeditus. Monumen-
tum recuperatæ valetudinis cereum
Punicum, ponderi corporis coæ-
quatum, statuit. Et mox anno poste-
ro, cum Serenissimis, Alberto Baua-
riæ, & Francisco Lotharingiæ Duci-
bus Oetingam reuisit. Serenissima
dicti Principis Palatini coniux, Anna
Catharina Constantia, eodem, quo
in Germaniam venit, nuptiarumque
solennia celebrauit, anno, Diuam
Oetinganam inuisit, donoque tex-
tus argentei casiolam, palliumque
arae præuelandæ, magno cum vnio-
num numero tulit. Henricus Au-

I 3 gusta-

gustanus Episcopus bis Oetingam
supplex adiit. coronam auream cu-
torque aureo donauit. Præter com-
memoratos Principes, alii complu-
res, primæ nobilitatis ac dignitat^{is}
homines, Germani, exteri, adeundo
nostram Diuam, donisque ferendis
aut missitandis celebrarunt. Ioanne
in primis Tscerclaes, Comes de Til-
li, virtutis, victoriarumq; famâ lon-
gè clarissimus æui nostri Dux. Is A.C.
M DC XXIV. ad Ferdinandum II.
Imperatorem proficisciens Oetin-
gam deuertit, triduumque solidum
omni religionis officio clientem se
patronæ deuotissimum demonstra-
uit. Anno deinde millesimo, se-
centesimo, trigesimo, Comitiis Ra-
tisbonæ, quibus intereat, nondum
finitis, Oetingam transit: ubi que
triduum colendâ Virgine, vitaque
rationibus ad calculum reuocandi
posuit, eo pietatis diuinique solati-
fensi, ut auelli inde non posse vide-
retur.

retur. Quo tempore sex aureorum
millia, quotidiano , pro salute suâ,
peragendo sacrificio donauit,vnde
sacerdoti stipendium constituere-
tur. Intulit adhæc sacræ gazzæ nobi-
le cimelium , adamantibus conser-
tum , eleganti opere,nouem aureo-
rum millibus æstimatum. Expetiit
etiam in sacello Mariano condi suæ
mortalitatis exuuias. Quoniam ve-
rò cautum est in posterum , nè quis-
quam ibi tumulum accipiat: ad D.
Petri (sacellum est Oetinganæ Apo-
stolorum Basilicæ continens) ei se-
pultura paratur. Cor dudum in sa-
cello Deiparæ conditum. reliquum
corpus Ingolstadii in conditorio
templi Societatis Jesu seruatur. Ibi
mortem obiit,anno M DC XXXII. ex
ictu ferreæ pilæ, vltimâ cum Gustavo
Sueciæ Rege dimicatione,ad Lycum,
in femur impactæ. Henricus, Comes
Schlickius , belli gloriâ, summisque
in aulâ Cæsaris muneribus celebris,

I 4

anno

anno milles. sexcent. quadragesi-
cundo, in nuptiis filiæ, quas, ad imi-
tationem aliorum summatum, Oe-
tingæ celebrari voluit; calicem au-
reum: eiusdem coniux, Comitissa
de Salm, & Neuburg, coronam insi-
gnem, vniōnibus consertam, rosis
aureis, quibus adamantes interlu-
cent, distinctam, nostræ Virginis con-
secrauit. Calicem etiam aureum
laudatissimus bello dux, Comes Haz-
feldius, inter sacra vasa, suæ in Deipa-
râ pietatis monumentum, reposuit.
Quantum alii duces in Oetingana
patronâ præsidii ponant; ostendit
in primis annus M D C XXXV. quo pri-
mi nominis tribuni militares, facil-
deni, supplices eam adierunt. Singu-
latim vero memorandus Wolfgangus,
Comes Mansfeldius, qui anno
seguente ab usque Vngariâ (Jauri-
num pro Rege administrabat) Oetin-
ganam profectionem obiit; &, ma-
iorum instituto, hebdomadarium

cri-

crificium , liberali stipendio , instituit, quo grata memoria inclytæ domus Mansfeldicæ , ad veritatem Catholicam reuocatæ, repetatur.

CAPVR VII.

*Ciuitatum, aliorumque cætuum ad
D. Oetinganam peregrinatio-
nes, cum donis.*

Inter ciuitates prima supplicanti-
um agmen adduxit Monachium.,
Boicæ caput : & iam dudum
morem recepit , quarto quoque an-
no eundem cultum repetendi. An-
no seculi huius decimo septimo ,
quo chilias hominum inde Oetin-
gam descendit , donum aræ Marianæ
bina paria candelabrorum argenteo-
rum intulit , magnitudine , & operis
nobilitate visenda. Sex alia ex ma-
teriâ simili , ciuitatis eiusdem sunt
munus , voti liberati monumentum ,
ob urbem ab excidio , quod bello
Suecico non ex inani timebatur ,

I 5 vindic-